



ÚDARÁS
CRAOLACHÁIN
NA hÉIREANN

BROADCASTING
AUTHORITY
OF IRELAND

Rialacha Fógraíochta agus Teilishiopadóireachta an BAI

**(Amanna in aghaidh an Lae
agus in aghaidh na hUaire)**

1. Réamhrá

Éilíonn Alt 43(1) den Acht Craolacháin, 2009, ar Údarás Craolacháin na hÉireann (BAI) rialacha a ullmhú agus a athmheas ó am go ham de réir riachtanas na hócáide maidir leis na nithe seo a leanas:-

- (a) na hamanna iomlána in aghaidh an lae a lamhálfar chun fógrain agus bunábhar teilishiopadóireachta a tharchur ar sheirbhís craolacháin, maidir le conradh faoi *Chuid 6*,
- (b) an tréimhse uasta a lamhálfar in aon uair an chloig áirithe chun fógráin agus bunábhar teilishiopadóireachta (de réir bhrí *alt 42(8)*) a tharchur ar sheirbhís craolacháin den sort sin, agus féadfaidh an tÚdarás rialacha éagsúla den sort sin a dhéanamh maidir le haicmí éagsúla seirbhíse craolacháin.

Forbraíodh **Rialacha Fógraíochta agus Teilishiopadóireachta an BAI (Teorainneacha in aghaidh an Lae agus in aghaidh na hUaire)** de réir an cheanglais reachtúil sin.

2. Dlíinse

Tá feidhm ag **Rialacha Fógraíochta agus Teilishiopadóireachta an BAI (Teorainneacha in aghaidh an Lae agus in aghaidh na hUaire)** i dtaobh craoltóirí áirithe raidió agus teilifíse laistigh de dhlíinse Phoblacht na hÉireann. Go praiticiúil, áirítear leis sin seirbhísí raidió agus teilifíse tráchtála, seirbhísí raidió agus teilifíse pobail chomh maith le seirbhísí raidió sealadacha agus institiúide. Níl feidhm ag na rialacha seo maidir le seirbhísí a sholáthraíonn na craoltóirí seirbhíse poiblí RTÉ agus TG4 ná níl aon fheidhm acu i dtaca le seirbhísí eile a fhaightear iad go coitianta sa tír seo ach atá ceadúnaithe sa Ríocht Aontaithe nó i ndlínsí eile.

3. Sainmhíithe

Fógraíocht

Íomhánna a bhfuil nó nach bhfuil fuaim iontu agus fógraí raidió a chraoltar, bíodh sé ar son íocaíochta nó ar son comaoine den chineál sin nó a chraolann gnólacht phoiblí nó príobháideach nó duine nádúrtha chun iad féin a chur chun cinn i dtaca le ceird, gnó, ceardaíocht nó gairm chun soláthar earraí nó seirbhísí a chur chun cinn, lena n-áirítear réadmhaoin dochorraithe, cearta agus oibligeáidí, ar son íocaíochta.

Teilishiopadóireacht

Tairiscint díreach a chraoltar don phobal chun táirgí nó soláthar seirbhísí lena n-áirítear réadmhaoin dochorraithe, cearta agus oibligeáidí, a dhíol, a cheannach nó a fháil ar chúis ar son íocaíochta.

Cláir do Pháistí

Is ionann **cláir do pháistí** agus cláir a dtugtar an t-ainm sin orthu de ghnáth nó a bhfuil níos mó ná 50% dá lucht féachana faoi bhun 18 bliain d'aois.

4. Rialacha

Rialacha a bhaineann le Craoltóirí Teilifíse Tráchtála

4.1 Míreanna Fógraíochta agus Teilishiopadóireachta

Ní sháróidh an t-am iomlán in aghaidh an lae le haghaidh míreanna fógraíochta agus teilishiopadóireachta uasmhéid de 18% den lá iomlán craoltóireachta.

In aon uair an chloig amháin ní sháróidh an t-ama thugtar do mhíreanna fógraíochta agus teilishiopadóireachta uasmhéid de 12 nóiméad.

4.2 Míreanna Fógraíochta - Cláir do pháistí

Ní sháróidh an t-am a thugtar do mhíreanna fógraíochta le linn cláir do pháistí uasmhéid de 10 nóiméad in aon uair a chloig amháin.¹

4.3 Fuinneoga Teilishiopadóireachta

Beidh íosmhéid ama de 15 nóiméad gan bhriseadh ag fuinneoga teilishiopadóireachta.

Ach amháin i gcás cainéal féin-chur chun cinn agus cainéil a chaitheann a gcuid ama ar fad ar theilishiopadóireacht, beidh uasmhéid d'ocht bhfuinneog ar an líon fuinneoga teilishiopadóireachta in aghaidh an lae agus beidh uasmhéid de thrí uair an chloig ar an méid ama a cheadófar a chaitheamh ar theilishiopadóireacht.²

¹ De réir Cód na bPáistí maidir le Cumarsáidí Tráchtála, ní cheadaíotar míreanna teilishiopadóireachta le linn cláir do pháistí.

² De réir Cód na bPáistí maidir le Cumarsáidí Tráchtála, ní cheadaíotar fuinneoga teilishiopadóireachta le linn cláir do pháistí.

Na Rialacha a bhaineann Craoltóirí Raidió Tráchtála

4.4 Míreanna Fógraíochta agus Teilishiopadóireachta

Ní sháróidh an t-am iomlán in aghaidh an lae le haghaidh míreanna fógraíochta agus teilishiopadóireachta uasmhéid de 15% den lá iomlán craoltóireachta.

Ní sháróidh an t-am a thugtar don bhfógraíocht in aon uair a chloig amháin uasmhéid de 10 nóiméad.

Na Rialacha a bhaineann le Raidió Pobail

4.5 Fógraíocht

Ní sháróidh an t-am a thugtar don bhfógraíocht in aon uair an chloig amháin uasmhéid de 6 nóiméad.

Na Rialacha a bhaineann le Teilifís Pobail

4.6 Míreanna Fógraíochta agus Teilishiopadóireachta

Ní sháróidh an t-am a thugtar do mhíreanna fógraíochta agus teilishiopadóireachta in aon uair an chloig amháin uasmhéid de 6 nóiméad.

4.7 Fuinneoga Teilishiopadóireachta

Beidh íosmhéid ama gan bhriseadh de 15 nóiméad ag fuinneoga teilishiopadóireachta.

Beidh uasmhéid d'ocht bhfuinneog ar an líon fuinneoga teilishiopadóireachta in aghaidh an lae agus beidh uasmhéid de thrí uair an chloig ar an méid ama a cheadófar a chaitheamh ar theilishiopadóireacht.

Na Rialacha a bhaineann le Craoltóirí Raidió Institiúide agus Sealadacha

4.8 Míreanna Fógraíochta agus Teilishiopadóireachta

Ní cheadaítear do chraoltóirí ceadúnaithe de réir Alt 68 den Acht Craolacháin 2009 fógraíocht, teilishiopadóireacht san áireamh, a chraoladh.

